

清·彭定求

全唐詩

捌



延边人民出版社

全唐诗

[清] 彭定求 等编

⑧

延边人民出版社

全唐诗卷四百十六

元稹

酬乐天春寄微之

鸚心明黠雀幽蒙，何事相将尽入笼。君避海鲸惊浪里，我随巴蟒瘴烟中。千山塞路音书绝，两地知春历日同。一树梅花数升酒，醉寻江岸哭东风。

酬乐天舟泊夜读微之诗

知君暗泊西江岸，读我闲诗欲到明。今夜通州还不睡，满山风雨杜鹃声。

酬乐天武关南见微之题山石榴花诗

比因酬赠为花时，不为君行不复知。又更几年还共到，满墙尘土两篇诗。

酬乐天见寄

三千里外巴蛇穴，四十年来司马收。瘴色满身治不尽，疮痕刮骨洗应难。常甘人向衰容薄，独讶君将旧眼

看。前日诗中高盖字，至今唇舌遍长安。

酬乐天得稹所寄缟丝布白轻庸制成衣服以诗报之

湓城万里隔巴庸，缟薄终轻共一封。腰带定知今瘦小，衣衫难作远裁缝。唯愁书到炎凉变，忽见诗来意绪浓。春草绿茸云色白，想君骑马好仪容。

和乐天寻郭道士不遇昔尝为僧，于荆州相别。

昔年我见杯中渡，今日人言鹤上逢。两虎定随千岁鹿，双林添作几株松。方瞳应是新烧药，短脚知缘旧施春。为僧时先有脚疾。欲请僧繇远相画，苦愁频变本形容。

酬乐天寄生衣

秋茅处处流痲疮，夜鸟声声哭瘴云。羸骨不胜纤细物，欲将文服却还君。

酬乐天得微之诗知通州事因成四首

茅檐屋舍竹篱州，虎怕偏蹄蛇两头。通州元和二年，偏蹄虎害人，比之白额。两头蛇处处皆，有之也。暗盎有时迷酒影，浮尘向日似波流。沙含水弩多伤骨，田仰畚刀少用牛。知得共君相见否，近来魂梦转悠悠。

平地才应一顷余，阁栏都大似巢居。巴人多在山坡架木为居，自号阁栏头也。入衙官吏声疑鸟，下峡舟船腹似鱼。市井无钱论尺丈，田畴付火罢耘锄。此中愁杀须甘分，惟惜平生旧著书。本句云：努力安心过三考，已曾愁杀李尚书。又予病甚，将平生所为文自题云：异日送白二十二郎也。

哭鸟昼飞人少见，侂魂夜啸虎行多。满身沙虱无防处，独脚山魃不奈何。甘受鬼神侵骨髓，常忧歧路处风波。南歌未有东西分，敢唱沧浪一字歌。本句云：时时三唱濯缨歌。

荒芜满院不能锄，甑有尘埃圃乏蔬。定觉身将囚一种，未知生共死何如。饥摇困尾丧家狗，热暴枯鳞失水鱼。苦境万般君莫问，自怜方寸本来虚。

酬乐天闻李尚书拜相以诗见贺

初因弹劾死东川，又为亲情弄化权。予为监察御史，劾奏故东川节度使严砺籍没衣冠等八十余家。由是操权者大怒。分司东台日，又劾奏宰相

亲，因缘遂贬江陵士曹耳。百口共经三峡水，一时重上两漫天。尚书人用虽旬月，司马衔冤已十年。若待更曹秋瘴后，便愁平地有重泉。

酬乐天叹穷愁见寄

病煎愁绪转纷纷，百里何由说向君。老去心情随日减，远来书信隔年闻。三冬有电连春雨，九月无霜尽火云。并与巴南终岁热，四时谁道各平分。

酬乐天三月三日见寄

当年此日花前醉，今日花前病里销。独倚破帘闲怅望，可怜虚度好春朝。

酬乐天叹损伤见寄

前途何在转茫茫，渐老那能不自伤。病为怕风多睡月，起因花一作行药暂扶床。函关气索迷真侣，峡水波翻碍故乡。唯有秋来两行泪，对君新赠远诗章。

瘴塞

瘴塞巴山哭鸟悲，红妆少妇敛啼眉。殷勤奉药来相劝，云是前年欲病时。

红荆

庭中栽得红荆树，十月花开不待春。直到孩提尽惊怪，一家同是北来人。

黄草峡听柔之琴二首

胡笳夜奏塞声寒，是我乡音听渐难。
料得小来辛苦学，又因知向峡中弹。

别鹤凄清觉露寒，离声渐咽命维难。
怜君伴我涪州宿，犹有心情彻夜弹。

书剑

渝工剑刃皆欧冶，巴吏书踪尽子云。
唯我心知有来处，泊船黄草夜思君。

内状诗寄杨、白二员外时知制诰

天门暗辟玉琤匋，昼送中枢晓禁清。
彤管内人书细腻，金銮御印篆分明。
冲街不避将军令，跋敕兼题宰相名。
南省郎官一作中谁待诏，与君将向世间行。

别毅郎此后三首，工部侍郎时诗。

尔爷只为一杯酒，此别那知死与生。
儿有何辜才七岁，亦教儿作瘴江行。

爱惜尔爷唯有我，我今惟悴望何人。
伤心自比笼中鹤，翦尽翅一作羽翎愁到身。

自责

犀带金鱼束紫袍，不能将命报分毫。
他时得见牛常侍，为尔君前捧佩

刀。

送公度之福建此后并同州刺史时作
棠阴犹在建溪一作康砢，此去那论是与非。
若见白头须尽敬，恐曾江岸识胡威。

喜五兄自泗州至

眼中三十年来相，一望南云一度垂。
惭愧临淮李常侍，远教形影暂相随。

杏花

常年出入右银台，每怪春光例早回。
惭愧杏园行在景，同州园里也先开。

第三岁日咏春风，凭杨员外寄长安柳

三日春风已有情，拂人头面稍怜轻。
殷勤为报长安柳，莫惜枝条动软声。

赠别杨员外巨源

忆昔西河县下时，青山憔悴宦名卑。
揄扬陶令缘求酒，结托萧娘只在诗。
朱紫衣裳浮世重，苍黄岁序长年悲。
白头后会知何日，一盏烦君不用辞。

寄乐天二首

荣辱升沉影与身，世情谁是旧雷陈。
唯应鲍叔犹怜我，自保曾参不杀

人。山人白楼沙苑暮，潮生沧海野塘然。商瞿五十知无子，更付琴书与仲春。老逢佳影唯惆怅，两地各伤何限神。

论才赋命不相干，凤有文章雉有冠。羸骨欲销犹被刻，疮痕未没又遭弹。剑头已折藏须盖，丁字虽刚屈莫难。休学州前罗刹石，一生身敌海波澜。

听妻弹别鹤操

别鹤声声怨夜弦，闻君此奏欲潜

和王侍郎酬广宣上人观放榜后相贺

渥洼徒自有权奇，伯乐书名世始知。竞走墙前希得携，高悬日下表无私。都中纸贵流传后，海外金填姓字时。珍重刘繇因首荐，进士李景述以同判解头及第。为君送和碧云诗。

全唐诗卷四百十七

元稹

酬乐天喜邻郡 此后并越州酬和，并各次用本韵

蹇驴瘦马尘中伴，紫绶朱衣梦里身。
符竹偶因成对岸，文章虚被配为邻。
湖翻白浪常看雪，火照红妆不待春。
老大那能更争竞，任君投募醉乡人。

再酬复言和前篇

经过二郡逢贤牧，聚集诸郎宴老身。
清夜漫劳红烛会，白头非是翠娥邻。
曾携酒伴无端宿，自入朝行便别春。
潦倒微之从不占，未知公议道何人。

赠乐天

莫言邻境易经过，彼此分符欲奈何。
垂老相逢渐难别，白头期限各无多。

重赠乐人商玲珑能歌，歌予数十诗。

休遣玲珑唱我诗，我诗多是别一作寄君词。
明朝又向江头别，月落潮平是去时。

别后西陵晚眺

晚日未抛诗笔砚，夕阳空望郡楼台。
与君后会知何日，不似潮头暮却回。

以州宅夸于乐天

州城迴绕拂云堆，镜水稽山满眼来。
四面常时对屏障，一家终日在楼台。
星河似向檐前落，鼓角惊从地底回。
我是玉皇香案吏，滴一作降居犹得住蓬莱。

重夸州宅旦暮景色，兼酬前篇未句。

仙都难画亦难书，暂合登临不合居。
绕郭烟岚新雨后，满山楼阁上灯初。
人声晓动千门辟，湖色宵涵万象虚。
为问西州罗刹岸，涛头一作风波冲突近何如。

酬乐天吟张员外诗见寄，因思上京每与乐天于居敬兄升平里，咏张新诗

乐天书内重封到，居敬堂前共读时。
四友一为泉路客，三人两咏浙江诗。
别无远近皆难见，老减心情自各知。
杯酒与他年少隔，不相酬赠欲何之。

寄乐天

闲夜思君坐到明，追寻往事倍伤情。同登科后心相合，初得官时髭未生。二十年来谙世路，三千里外老江城。犹应更有前途在，知向人间何处行。

戏赠乐天、复言此后三篇同韵

乐事难逢岁易徂，白头光景莫令孤。弄涛船更曾观否。望市望市楼，苏之胜地也楼还有曾无。眼力少将寻案牍，心情且强掷枰卢。孙园虎寺随宜看，不必遥遥羨镜湖。

重酬乐天

红尘扰扰日西徂，我兴云心两共孤。暂出已遭千骑拥，故交求风一人无。百篇书判从饶白，八米诗章未伏卢。最笑近来黄叔度，自投名刺占陂湖。

再酬复言

绕郭笙歌夜景徂，稽山迢带月轮孤。休文欲咏心应破，道子虽来画得无。顾我小才同培塿，知君险斗敌都卢。不然岂有姑苏郡，拟著陂塘比镜湖。

郡分稍简，因得整比旧诗，并连缀焚削，封章繁委篋笥，仅逾百轴，偶成自叹，因寄乐天

近来章奏小年诗，一种成空尽可悲。书得眼昏朱似碧，用来心破发如丝。催身易老缘多事，报主深恩在几时。天遣两家无嗣子，欲将文集与它谁。

酬乐天余思不尽加为六韵之作

律吕同声我尔一，作爱身，文章君是一伶伦。众推贾谊为才子，帝喜相如作侍臣。乐天先有《秦中吟》及《百节判》，皆为书肆市贾题其卷云：白才子文章。又乐天知制诰词云：览其词赋，喜与相如并处一时。次韵千言曾报答，乐天曾寄予千字律诗数首，予皆次用本韵酬和，后来遂以成风耳。直词三道共经纶。乐天与予同应制科，并求前辈切直词策，以尽经邦之术。其事已具之字诗注中尔。元诗驳杂真难辨，后辈好伪作予诗，传流诸处。自到会稽，已有人写宫词百篇及杂诗两卷，皆云是予所撰。及手勘验，无一篇是者。白朴流传用转新。乐天于翰林中书，取书诏批答词等，撰为程式，禁中号曰白朴。每有新入学士求访，宝重过於六典也。蔡女图书虽在口，蔡琰口诵家书四百余篇。于公门户岂生尘。乐天常赠予诗云：其心如肺石，动必达穷民。东川八十家，冤愤一言申。因感无儿之叹，故予自有此句。商瞿未老犹希冀，莫把赢金便付人。

寄乐天

莫嗟虚老海堦西，天下风光数会稽。灵汜桥前百里镜，石帆山崦五云溪。冰销田地芦锥短，春入枝条柳眼低。安得故人生羽翼，飞来相伴醉如泥。

酬乐天雪中见寄

知君夜听风萧索，晓望林亭雪半糊。撼落不教封柳眼，扫来偏尽附梅

株。敲扶密竹枝犹亚，煦暖寒禽气渐苏。坐觉湖声迷远浪，回惊云路在长途。钱塘湖上蘋先合，梳洗楼前粉暗铺。石立玉童披鹤氅，台施瑶席换龙须。满空飞舞应为瑞，寡和高歌只自娱。莫遣拥帘伤思妇，且将盈尺慰农夫。称觞彼此情何异，对景东西事有殊。镜水绕山山尽白，琉璃云母世间无。

和乐天早春见寄

雨香云澹觉微和，谁送春声入棹歌。萱近北堂穿土早，柳偏东面受风多。湖添水色一作荆消残雪，江送潮头涌漫波。同受新年不同赏，无由缩地欲如何。

酬复言长庆四年元旦郡斋感怀见寄

腊尽残销春又归，逢新别故欲沾衣。自惊身上添年纪，休系心中小是非。富贵祝来何所遂，聪明鞭得转无机。祝富贵，鞭聪明，皆正旦童稚俗法。羞看稚子先拈酒，怅望平生旧采薇。去日渐加余日少，贺人虽闹故人稀。椒花丽句闲重检，艾发衰容惜寸辉。苦思正旦酬白雪，闲观风色动青旂。千官伏下炉烟里，东海西头意独违。休系一作休较，正旦一作正朝。

代郡斋神答乐天

虚白堂神传好语，二年长伴独吟时。夜怜星月多离烛，日混波涛一下帷。为报何人偿酒债，引看墙上使君诗。

酬乐天重寄别

却报君侯听苦辞，老头抛我欲何之。武牢关外虽分手，不似如今衰白时。

和乐天重题别东楼

山容水态使君知，楼上从容万状移。日映文章霞细丽，风驱鳞甲浪参差。鼓催潮户凌晨击，笛赛婆官彻夜吹。唤客潜挥远红袖，卖垆高挂小青旗。胜铺床席春眠处，乍卷帘帷月上时。光景无因将得去，为郎抄在和郎诗。

余杭周从事以十章见寄，词调清婉，难于遍酬，聊和诗首篇，以答来贶

扰扰纷纷旦暮间，经营亲事不曾闲。多缘老病推辞酒，少有功夫久羡山。清夜笙歌喧四郭，黄昏钟漏下重关。何由得似周从事，醉入人家醒始还。

寄浙西李大夫四首

柳眼梅心渐欲春，白头西望忆何人。金陵太守曾相伴，共蹋银台一路尘。

蕊珠深处少人知，网索西临太液池。浴殿晓闻天语后，步廊骑马笑相随。网索在太液上，学士候对，歌于此。

禁林同直话交情，无夜无曾不到明。最忆西楼人静夜，玉晨钟磬两三声。玉晨观在紫宸殿后面也。

由来鵬化便图南，浙右虽雄我未甘。早渡西江好归去，莫抛舟楫滞春

潭。

初除浙东，妻有阻色，因以四韵晓之

嫁时五月归巴地，今日双旌上越州。兴庆首行千命妇，予在中书日，妻以郡君朝太后于兴庆宫，猥为班首。会稽旁带六诸侯。海楼翡翠闲相逐，镜水鸳鸯暖共游。我有主恩羞未报，君于此外更何求。

为乐天自勘诗集，因思顷年城南醉归，马上递唱艳曲，十余里不绝，长庆初俱以制诰侍宿南郊斋宫，夜后偶吟数十篇，两掖诸公泊翰林学士三十余人惊起就听，

逮至卒吏，莫不众观。群公直至侍众行礼之时，不复聚寐，予与乐天吟哦竟亦不绝。因书于乐天卷后。越中冬夜风雨，不觉将晓，诸门互启关锁，即事成篇

春野酬吟十里程，斋宫潜咏万人惊。今宵不寐到明读，风雨晓闻开锁声。

题长庆四年历日尾

残历半张余十四，灰心雪鬓两凄然。定知新岁御楼后，从此不名长庆年。

全唐诗卷四百十八

元稹

乐府古题序丁酉

诗论于周，离骚论于楚，是后诗之流为二十四名：赋、颂、铭、赞、文、诔、箴、诗、行、咏、吟、题、怨、叹、章、篇、操、引、谣、讴、歌、曲、词、调，皆诗人六义之余。而作者之旨，由操而下八名，皆起于郊祭、军宾、吉凶、苦乐之际。在音声者，因声以度词，审调以节唱，句度短长之数，声韵平上之差，莫不由之准度。而又别其在琴瑟者为操、引，采民氓者为讴、谣，备曲度者，总得谓之歌、曲、词、调。斯皆由乐以定词，非选调以配乐也。由诗而下九名，皆属事而作，虽题号不同，而悉谓之为诗可也。后之审乐者，往往采取其词，度为歌曲。盖选词以配乐，非由乐以定词也。而纂撰者，由诗而下十七名，尽编为乐录、乐府等题。除铙吹、横吹、郊祀、清商等词在乐志者，其余《木兰》、《仲卿》、《四愁》、《七哀》之辈，亦未必尽播于管弦明矣。后之文人，达匀者少，不复如是配别。但遇兴纪题，往往兼以句读短长，为歌诗之异。刘补阙之乐府，肇于汉魏。按仲尼学文王操，伯牙作《流波》、《水仙》等操，齐桀沐作《雉朝飞》，卫女作《思归引》则不于

汉魏而后始，亦以明矣。况自风雅至于乐流，莫非讽兴当时之事，以贻后代之人。沿袭古题，唱和重复，于文或有短长，于义咸为赘剩。尚不如寓意古题，刺美见事，犹有诗人引古以讽之义焉。曹、刘、沈、鲍之徒时得如此，亦复稀少。近代唯诗人杜甫《悲陈陶》、《哀江头》、《兵车》、《丽人》等，凡所歌行，率皆即事名篇，无复倚傍。余少时与友人乐天、李公垂辈，谓是为当，遂不复拟赋古题。昨梁州见进士刘猛、李余，各赋古乐府诗数十首，其中一二十章，咸有新意。余因选而和之，其有虽用古题，全无古义者，若《出门行》不言离别，《将进酒》特书列女之类是也。其或颇同古义，全创新词者，则《田家》止述军输，《捉捕》词先蝼蚁之类是也。刘、李二子方将极意于斯文，因为粗明古今歌诗同异之音焉。

梦上天此后十首，并和刘猛

梦上高高天，高高苍苍高不极。下视五岳块累累，仰天依旧苍苍色。踞云耸身身更上，攀上天天攀未得。西瞻若水一作木兔轮低，东望蟠桃海波黑。日月之光不到此，非暗非明烟塞塞。天悠地远身跨风，下无阶梯上无力。来时畏有他人上，截断龙胡斩鹏翼。茫茫漫漫方自悲，哭身青云椎一作掐素臆。哭声厌咽旁人恶，唤起

惊悲泪飘露。千惭万谢唤厌人，向使无君终不寤。

冬白伾一下有歌字

吴宫夜长宫漏款，帘幕四生灯焰暖。西施自舞王自管，雪纛翻翻鹤翎散。声促节牵繁舞腰懒。舞腰懒，王罢饮，盖覆西施风花锦。身作匡床臂为枕，朝佩提玉一作提王晏寝。寝一作酒醒阁报门无事，子胥死后言为讳。近王之臣论王意，共笑越王穷惴惴，夜抱冰寒不睡。

将进酒

将进酒，将进酒。酒中有毒鸩主父，言之主父伤主母。母为妾地父妾天，仰天俯地不忍言。阳一作佯为僵踣主父前，王父不知加妾鞭。旁人知妾为主说，主将泪洗鞭头血。推他雷反椎一作摧主母牵下堂，扶妾遣升堂上床。将进酒，酒中无毒令主寿。愿主回恩一作恩归主母，遣妾如此由一作事主父。妾为此事人偶知，自惭不密方自悲。主今颠倒安置妾，贫天僭地谁不为。

采珠行

海波无底珠沉海，采珠之人判死采。万人判死一得珠，斛量买婢人一作天何在。年年采珠珠避人。今年采珠由海神。海神采珠珠尽死，死尽明珠空海水。珠为海物海属神，神今自采何况人。

董逃行

董逃董逃董卓逃，揩铿戈甲声劳

嘈。剌剌深脐脂焰焰，人皆数一无数字叹曰，尔独不忆年年取我身上膏。膏销骨尽烟火死，长安城中贼毛起。城门四走公卿士，走劝刘虞作天子。刘虞不敢一作取作天子，曹瞒篡乱从此始。董逃董逃人莫喜，胜负相环一作翻相枕倚，缝缀难成裁破易。何况曲针不能伸巧指，欲学裁缝须准拟。

忆远曲

快远曲，郎身不远郎心远。沙随郎饭俱在匙，郎意看沙那比饭。水中书一作画字无字痕，君心暗画谁会君。况妾事姑姑进止，身去门前同万里。一家尽是郎腹心，妾似生来无两耳。妾身何足言，听妾私劝君。君今夜夜醉何处，姑来伴妾自闭门。嫁夫恨不早，养儿将备老。妾自嫁郎身骨立，老姑为郎求娶妾。妾不忍见姑郎忍见，为郎忍耐看姑面。

夫远征

赵卒四十万，尽为坑中鬼。赵王未信赵母言，犹点新兵更填死。填死之兵兵气索，秦强赵破括敌起。括虽专命起尚轻，何况牵肘之人牵不已。坑中之鬼妻在营，壑座戴绁鹄雁鸣。送夫之妇又行哭，哭声送死非送行。夫远征，远征不必成长城，出门便不知死生。

织妇词

织夫一作妇何太忙，蚕经三卧行欲老。蚕神女圣早成丝，今年丝税抽征早。早征非是官人恶，去岁官家事戎索。征人战苦束刀疮一作枪，主将

勋高换罗幕。缣丝织帛犹努力，变缉一作缓撩机苦难织。东家头白双女儿，为解挑纹嫁不得。余撩荆时，目击贡綾户有终老不嫁之女。檐前袅袅游丝上，上有蜘蛛巧来往。羡他虫豸解缘天，能向虚空织罗网。

田家词一作田家行

牛吒吒，田确确。旱块敲牛蹄趵趵音剥，种得官仓珠颗谷。六十年来兵簇簇一作簇，月月食粮车辘辘。一日官军收海服，驱牛驾车食牛肉。归来攸一作收得牛两角，重铸锄一作锹犁作斤副。姑舂妇担去输官，输官不足归卖屋，愿官早胜饑早覆。农死有几牛有犍誓一无誓字不遗官军粮不足。

侠客行

侠客不怕死，怕在事不成，事成不肯藏姓名。我非窃贼谁夜行，白日堂堂杀袁盎。九衢草草人面青，此客此心师海鲸，海鲸露背横沧溟，海波分作两处生。分海减海力，侠客有谋人不识测一作人莫测，三尺铁蛇延二国。

君莫非此后九首和李余

鸟不解走，兽不解飞。两不相解，那得相识。犬不饮露，蝉不啖肥。以蝉易犬，蝉死犬饥。燕在梁栋，鼠在阶基。各自窠窟，人不能移一作不能改移。妇好针缕，夫读书诗。男翁女嫁，卒不相知。惧聒摘耳，效痛颦眉。我不非尔，尔无一作不我非。

田野狐兔行野一作头

种豆耘锄，种禾沟圳。禾苗豆甲，狐椿兔翦。割鹄喂鹰，烹麟啖犬。鹰怕兔毫，犬被狐引。狐兔想须，鹰犬相尽。兹引反。日暗天寒，禾稀豆损。鹰犬就烹，狐兔俱晒。

当来日大难行一无行字

当来日，大难行。前有坂，后有坑。大梁侧，小梁倾。两轴相交，两轮相撑。大牛坚，小牛横。乌啄牛背，足跌力佇，当来日大难行。太行虽险，险可使平。轮轴自挠，牵制不停。泥潦渐久，荆棘旋生。行必不得，不如不行。

人道短

古道天道长人道短，我道天道短人道长。天迟夜回转不曾住，春秋冬夏忙，颠风暴雨电雷狂，晴被阴暗，月夺日光。往往星宿，日亦堂堂，天既职性命，道德人自强。尧舜有圣德，天下一作下能遣，寿命永昌。泥金刻玉，与秦始皇。周公传说，何不长宰相。老崇仲尼，何事栖遑，莽卓恭显，皆数十年富贵。梁冀夫妇，车马煌煌。若此颠倒事，岂非天道短，岂非人道长。尧舜留得神圣事，百代天子有典章。仲尼留得孝顺语，千年万岁父子不敢相灭亡。歿后千余载，唐家天子封作文宣王。老君留得五千字，子孙万万称圣唐。溢作率元帝，魂魄坐天堂。周公周礼二十一作十二卷，有能行者知纪纲。傅说说命三四纸，有能师者称祖宗。天能夭人命，人使道无穷，若此神圣事，谁道人道短，岂非人道长。天能种百草，猜得十年有气息，薤才一日

芳。人能拣得了沈兰蕙，料理百和香。天解养禽兽，喂虎豹豺狼。人解和麴蘖，充餍一作脔祀烝尝。杜鹃无百作一作年，天遣百鸟哺雏，不遣哺风皇。区鳞寿千岁，天遣食牛吞象充腹肠。蛟螭与变化，鬼怪与隐藏。蚊蚋与利嘴，枳棘与锋芒。赖得人道有拣别，信任天道真茫茫。若此撩乱事，岂非天道短，赖得人道长。

苦乐相倚曲

古来苦乐之相倚，近于掌上之十指。君心半夜猜恨生，荆棘满怀天未明。汉成一作皇跟鸞飞燕时，可怜班女恩已衰。未有因由相决绝，犹得半年伴暖热。转将深意谕旁人，缉缀瑕疵遣潜说。一朝诏下辞金屋，班姬自痛何仓卒。呼天抚一作俯地将自明，不悟寻时辨一作已销骨。白首宫一作官人前再拜，愿将日月相辉一作挥解。苦乐相寻昼夜间，灯光那有一作得天明在。主今被夺心应苦，妾夺深恩初为主。欲知妾意恨主时，主今为妾思量取。班姬收泪抱妾身，我曾排摈无限人。

出门行

兄弟同出门，同行不同志。凄凄分歧路，各各营所为。兄上荆山巔，翻石辨虹气。弟沉沧海底，偷珠待龙睡。出门不数年，同归亦同遂。俱用私所珍，升沉自兹异。献珠龙王宫，值龙觅珠次。但喜复得珠，不求珠所自。酬客双龙女，授客六龙辔。遣充行雨神，雨泽随客意。雩夏一作下钟鼓繁，黍秋一作秬玉帛积。彩色画廊庙，奴僮被珠翠。骥騄千万双，驾鸯七十二。

言者未摇舌，无人敢轻议。其兄因献璞，再别不履地。门户亲戚疏，匡床妻妾弃。铭心有所待，视足无所愧。持璞自枕头，泪痕双血渍。一朝龙醒寤，本问偷珠事。因知行雨偏，妻子五刑备。仁兄捧尸哭，势友掉头讳。丧车黔首葬，吊客青蝇至。楚衣望气人，王前忽长跪。贺王得贵宾，不远王所莅。求之果如言，剖出浮筠髓。白珩无颜色，垂棘有瑕累。在楚裂地封，八赵连城贵。秦遣李斯书，书为传国瑞。秦亡汉魏传，传者得神器。卞和名永永，与宝不相坠。劝尔出门行，行难莫行易。易得还易失，难同亦难离。善买识贫廉，良田无植穰。磨剑莫磨锥，磨锥成小利。

捉捕歌

捉捕复捉捕，莫捉狐与兔。狐兔藏窟穴，豺狼妨道路。道路非不妨，最忧蝼蚁聚。豺狼不陷阱，蝼蚁潜幽蠹。切切主人那不窗，主人轻细故。延缘蚀椽桷，渐入栋梁柱。梁栋尽空虚，攻穿痕不露。主人坦然意，昼夜安寝寤。网罗布参差，鹰犬走回互。尽力穷窟穴，无心自还顾。客来歌捉捕，歌竟泪如雨。岂是惜狐兔，畏君先后误。愿君扫梁栋，莫遣蝼蚁附。次及清道涂，尽灭豺狼步。主人堂上坐，行客门前度。然后巡野田，遍张收猎具。外无枭獍援，内有熊黑驱。狡兔掘荒榛，妖狐熏古墓。用力不足多，得禽自无数。畏君听未详，听客有明喻。虬虱谁不轻，鲸鲵谁不恶。在海尚幽遐，在怀交秽污。歌此劝主人，主人那不悟。不悟还更歌一作多，谁能恐违忤。

古筑城曲五解

年年塞下丁，长作出寒兵。自从冒顿强，官筑遮虏城。

筑城须努力，城高遮得贼。但恐贼路多，有城遮不得。

丁口传父言，莫问城坚不。音舛。平城被虏围，汉副城墙走。

因兹请休和，虏往骑来过。半疑兼半信，筑城犹嵯峨。

城城安敢烦，愿听丁一言。请筑鸿胪寺，兼悉虏出关。

估客乐

估客无住著一作者，有利身则一作即行。出门求火伴，入户辞父兄。父兄相教示，求利莫求名。求名有一作莫所避，求利无不营。火伴相勒缚，卖假莫卖诚。交关但一作少交假。本生上声得失轻一作交假本生轻。自兹相将去，誓死意不更。亦一作一解市头语，便无邻里情。铦石打臂钏，糯米

吹项瓔。归来村中卖，敲作金石声。村中田舍娘，贵贱不敢争。所费百钱一作必本，已得十倍赢。颜色转光净，饮食亦甘馨。子本频蕃息，货贩一作略日兼并。求珠驾沧海，采玉上荆衡。北买党项马，西擒吐蕃鹦，炎洲布火浣，蜀地锦织成。越婢脂肉滑，奚僮眉眼明。通算衣食费，不计远近程。经游一作营天下遍，却到长安城。城中东西市，闻客次第迎。迎客兼说客，多财为势倾。客心本明黠，闻语心已惊。先问十常侍，次求百公卿。侯家与主第，点缀无不精。归来始安坐，富与王者一作家勛。市卒酒一作醉肉臭，县胥家舍成。岂唯绝言语，奔走极使令。大儿贩材木，巧识梁栋形。小儿贩盐卤，不入州县征。一身偃市利，突若截海鲸。钩距不敢下，下则牙齿横。生为估客乐，判尔乐一生。尔又生两子，铁刀何岁平。

全唐诗卷四百十九

元稹

连昌宫词

连昌宫中满宫竹，岁久我人森似一作自束。又有墙头千叶桃，风动落花红蔌蔌。宫边老翁有余泣，小年进食曾因人。一作小年选进因曾入。上皇正在望仙楼，太真同凭栏干立。楼上楼前尽珠翠，炫转荧煌照天地。归来如梦复如疾，何暇备言宫里事。初过寒食一百六，店舍无烟宫树绿。夜半月高弦索鸣，贺老琵琶定一作擅场屋。力士传呼觅念奴，念奴潜伴诸郎宿。须臾觅得又连催，特敕街中许然烛。春娇满眼睡一作眠红绡，掠削云鬟旋装束。飞上九天歌一声，二十五郎吹管逐。逡巡大遍凉州彻，色色龟兹轰录续。李暮序筚篥宫墙，偷得新翻数般曲。念奴，天宝中名倡，善歌。每岁楼下酺宴，累日之后，万众喧隘，严安之、韦黄裳辈辟易下能禁，众乐为之罢奏。明皇遣高力士大呼于楼上曰：欲遣念奴唱，邠二十五郎吹小管逐，看人能听否。未尝不悄然奉诏。其为当时所重也如此。然而明皇不欲夸佚游之盛，未尝置在宫禁。或岁幸汤泉，时巡东洛，有司潜踪从行而已。又明皇尝于上阳宫夜后按新翻一曲，

属明夕正月十五日，潜游灯下。忽闻酒楼上有笛奏前夕新曲，大骇之。明日密遣捕捉笛者，诘验之，自云：其夕窃于天津桥玩月，闻宫中度曲，遂于桥柱上插谱记之。臣即长安少年善笛者李暮也。明皇异而遣之。平明大驾发行宫，万人歌舞涂路一作在途中。百官队仗避岐薛，岐王范、薛王业，明皇之弟。杨氏诸姨贵妃三姊，帝呼为姨，封韩、虢、秦国三夫人车斗风。明年十月东都破，天宝十三年，禄山破洛阳。御路犹一作独存禄山过。驱令供顿不敢藏，万姓无声一作言泪潜堕。两京定后六七年，却寻家舍行宫前。庄园烧尽有枯井，行宫门闭一作闕树宛然。尔后相传六皇帝，肃、代、德、顺、宪、穆。不到离宫门久闭。往来年少说长安。玄武楼成一作前花萼废。去年敕使因一作去年因敕使斫竹，偶值门开暂相逐。荆榛栉比塞池塘，狐兔骄痴缘树木。舞榭欹倾基一作台尚在一作存，文窗窈窕纱犹绿。尘埋粉壁旧花钿，乌一作鸟啄风箏碎珠玉。上皇偏爱临砌花，依然御榻临阶斜。蛇出燕巢舟斗棋，菌生香案正当衙。寝殿相连端正楼，太真梳洗洗楼上头。晨光未出帘影黑一作动，至今反挂珊瑚钩。指似一作向傍人因恸哭，却出一作立宫门淅相续。自从此后还闭门，夜夜狐狸上门屋。我闻此语心骨悲，太平

谁致敌者谁。翁言野父何分别，耳闻眼见为君说。姚崇宋璟作相公，劝谏上皇言语切。变理阴阳禾黍丰，调和中外无兵戎。长官清平太守好，拣选皆言由相一作至公。开元之末姚宋死，朝廷渐渐由妃子。禄山宫里养作一作儿，虢国门前闹如市。弄权宰相不记名，依稀忆得一作忆得依稀杨与李。庙谟一作谋颠倒四海摇，五十年来作疮痍。今皇神圣丞相明，诏收才下吴蜀平。官军又取淮西贼，此贼亦除天下宁。年年耕种官前道。今年不遣子孙耕。老翁此意深望幸，努力庙谋一作谋休用兵。

望云骖马歌并序

德宗皇帝以八马幸蜀，七马道毙，唯望云骖来往不顿。贞元中，老死天厓。臣稹作歌以记之。

忆昔先皇幸蜀时，八马入谷七马疲。肉绽筋挛四蹄脱，七马死尽无马骑。天子蒙尘天雨泣，巉岩道路淋漓湿。峥嵘白草眇难期，谿洞黄泉安可入。白草、谿洞，并雄谷中地名。古谚云：谿洞入黄泉。朱泚围兵抽未尽，怀光寇骑追行及。兴元元年二月，李怀光反。嫔娥相顾倚树啼，鸛鹭无声仰天立。圉人初进望云骖，彩色憔悴众马欺。上前喷吼如有意，耳尖卓立节踠奇。君王试遣回胸臆，撮骨锯牙骖两肋。蹄悬四隅一作蹄，一作矩脑一作胫颡方，胯耸三山尾株一作扶直。圉人畏消仍相惑，此马无良空有力。频频啮掣辔难施，往往跳趯鞍一作骑不得。色沮声悲仰天诉，天不遣言君未识。亚身受取白玉羁一作鞍，开口衔将紫金勒。君王自此方敢骑，

似遇良臣久凄恻。龙腾鱼鳖倏然惊一作咸震惊，骖盼一作盼驴骡少颜色。七圣心迷运方厄，五丁力尽路犹窄。橐它一作驼山上斧刃堆，望秦岭下锥头石。五六百里真符县，八十四盘青山驿。掣开流电有辉光，突过浮云无朕迹。地平险一作隘尽施黄屋，九九属车十二纛。齐映前导引骖头，严震迎号抱难足。路旁垂白天宝民，望骖礼拜见难哭。皆言一作云玄宗当时无此马，不免骑骡来幸蜀。雄雄猛将李令公，收城杀贼豺狼空。天施地转日再中，天子却坐明光宫。朝廷无事忘征战，校猎朝回暮毡宴。御马齐登拟用槽，庖中号乘舆之马曰拟用槽，君王自试宣徽殿。圉人还进望云骖，性强步阔无方便。分鬃摆杖一作袂头太高，擘肘回头一作项颈难转。人人共恶难回跋，潜遣飞龙减刍秣。银一作金鞍绣鞵不复施，空尽兹引反天年御槽活。当时邹一作郗谚已有言一作云，莫倚功高一作能浪开阔。登山纵似望云骖，平地须饶红叱拨。长安三月花垂草，果下翩翩紫骝好。千官暖热李令闲，百马生狞望云老。望云骖，尔之种类世世奇。当时项王乘尔祖，分配英豪一作雄称霸主。尔身今日逢圣人，从幸巴渝归入秦。功成事遂身退天之道，何必随群逐队到死蹋红尘。望云骖，用与不用各有时，尔勿悲。

和李校书新题乐府十二首并序

余友本公垂贻余乐府新题二十首，雅有所谓，不虚为文。余取其病时之尤急者，列而和之，盖十二而已。昔三代之盛也，士议而庶人谤。又曰：世理则词直，世忌则词隐。余遭理世而